

Ang King County Office of Law Enforcement Oversight (OLEO) ang kumakatawan sa mga interes ng publiko sa pagsisikap nito na pahasayin ang mga serbisyo ng Tanggapan ng King County Sheriff (ang Sheriff's Office) sa pamamagitan ng pagtaguyod sa marapat na mga gawis sa pagpapatupad ng batas na humahaligi sa kahalagahan ng lahat ng mga pantaong karanasan. Ginagamit ng OLEO ang mga propesyonal na pamantayan at mga perspektibo ng komunidad upang rebyuhin at gumawa ng mga rekomendasyon nang mapabuti ang training, mga patakaran, at mga gawi ng Sheriff's Office.



Pangangasiwa sa Reklamo

Sa palagay mo ba'y hindi kumilos nang wasto ang empleyado ng Sheriff's Office, at dahil dito'y nais mong magreklamo?

Ang OLEO ay tumatanggap ng mga reklamo hinggil sa paratang ukol sa di-wastong paggawi ng mga empleyado ng Sheriff's Office. Masasagot ng mga tauhan ng OLEO ang mga katanungan tungkol sa proseso ng pagreklamo, o kung ano ang dapat isama sa isang reklamo. Iniimbestigahan ng Sheriff's Office ang mga reklamo, at minomonitor at nirerebyu ng OLEO ang mga imbestigasyon na iyon upang magkaroon ng makatwirang proseso sa paghanap ng katotohanan. Ipinagbabawal ng Sheriff's Office ang paghihiganti laban sa sino mang nagrereklamo tungkol sa di-wastong paggawi..

Sinisilbihan ng OLEO ang lahat ng mga taong nakatira, nagtratabaho, o gumagamit ng pampublikong transportasyon sa mga lugar na sinisilbihan ng Sheriff's Office — tingnan ang huling pahina ng patnubay na ito para sa karagdagang impormasyon.

Sino ang maaaring mag-file ng reklamo?

- Ang sino mang miyembro ng publiko, o empleyado ng Sheriff's Office, ay maaring mag-file ng reklamo, anuman ang kanyang edad, background, o immigration status.
- Ang mga tao ay maaring mag-file ng mga reklamo nang anonymous o nang hindi ibinibigay ang kanilang pangalan, at hindi kailangang may kinalaman sila sa isang insidente upang magreklamo sila tungkol dito.
- Ang mga reklamo ay maaring isumite sa anumang wika, at may libreng translation o pagsasalin, o interpretation services.

Tungkol saan ka maaring magreklamo?

Ang OLEO ay humahawak lamang sa reklamo na may kinalaman sa Sheriff's Office. Kabilang ngunit hindi natatakda ang mga paksa ng reklamo sa mga sumusunod:

- Panliligalig
- Paggamit ng hindi kinakailangan o sobrang puwersa
- Paggalang (hal., paggamit ng wika o pagkilos na nakakainsulto, nagmamalupit, o nagpapahiya)
- Pagtratong may diskriminasyon
- Ethics, salungat na interes, at waring may mga salungat na interes
- "Di-wastong paggamit ng awtoridad

Ano ang paraan ng pag-file ng reklamo?

- Kontakin ang OLEO kung may mga katanungan, o upang mag-file ng reklamo.
- May makukuhang mga serbisyo sa translation o pagsasalin sa ibang wika.
- Ang complaint forms (mga pormularyo para sa pagrereklamo) ay makukuha sa mga website ng OLEO at Sheriff's Office, at sa tanggapan ng OLEO at mga precinct ng Sheriff's Office.
- Maari rin humingi ng complaint forms mula sa OLEO, at ito'y ipapadala nila sa mail.
- Kapag nag-file ka ng reklamo sa precinct ng Sheriff's Office sa iyong lugar, siguraduhing hilingin ang precinct supervisor. Upang hanapin ang iyong precinct:
 - <http://www.kingcounty.gov/sheriff>
 - (206) 296-4155 – non-emergency
 - sheriff@kingcounty.gov
- Kung nakatira ka sa isang contract city ng Sheriff's Office, maari mo rin kontakin ang isang city police chief, police supervisor, o city official upang i-file ang iyong reklamo.

Kapag handa ka na, maari mong ipadala ang iyong reklamo sa OLEO o sa Sheriff's Office.



Gamit ang email



Nang personal



Gamit ang mail



Sa telepono

Ang OLEO ay walang awtoridad na rebyuhin ang mga kriminal na imbestigasyon ng Sheriff's Office, o ang mga bagay na may kinalaman sa Equal Employment Opportunity tulad ng diskriminasyon sa lugar ng trabaho, maliban kung ito'y may kinalaman sa isang reklamo ukol sa isang patakaran o paglabag sa isang pamamaraan..

Kontakin ang OLEO para humingi ng tulong



(206) 263-8870



kingcounty.gov/OLEO




OLEO@kingcounty.gov



King County OLEO
710 Second Ave, Suite 790
Seattle, WA 98104

Ano ang Mangyayari Kapag Nagsumite ka ng Reklamo





Kung hindi ka sigurado kung ano ang dapat isama sa isang reklamo

Masasagot ng OLEO ang mga katanungan tungkol sa kung ano ang dapat mong isama sa iyong reklamo. Dapat sundin ng mga empleyado ng Sheriff's Office ang mga patakaran at mga pamamaraan sa General Orders Manual (GOM); ito'y available online.
www.kingcounty.gov/depts/sheriff/about-us/manual.aspx

Maaring isama sa reklamo ang iba't-ibang mga paratang ng di-wastong paggawi, at dapat din isama ang anumang impormasyon na mayroon ka tungkol sa:

- Petsa, lokasyon, ang (mga) empleyado ng Sheriff's Office na may kinalaman dito.
- Mga ispesipikong detalye tungkol sa nangyari hinggil sa bawat isa sa (mga) alegasyon ng maling kilos.
- Mga maaaring maging saksi, o ebidensiyang may kinalaman sa reklamo.



Ang tungkulin ng OLEO sa pagmomonitor at pagrebyu ng mga imbestigasyon

Minomonitor ng OLEO ang mga imbestigasyon ng IIU at maari nitong rebyuhin o tingnan ang ebidensiya, maari ito magpunta sa mga interbyu, at maari nitong bigyan ang Sheriff's Office ng input hinggil sa kalidad ng mga imbestigasyon.

- Oras na nailathala ng IIU ang mga desisyon, isasara na ang imbestigasyon at maaari nang talakayin ng OLEO ang mga desisyon sa mga complainant o nagrereklamo, kasama ang kung ano ang gagawin kung may nakuhang bagong ebidensiya.
- Sa katapusan ng isang inquiry investigation, hiwalay na rerebyuhin ng OLEO ang kinompletong internal investigation at ise-certify nito kung ito ay lubusang ginawa, obyektibo, at napapanahon.

Tungkol sa OLEO



Ang OLEO ay nagsasagawa ng iba't-ibang independent review upang maaseso ang mga isyu hinggil sa pagtitiwala ng publiko sa pagpapalakad ng Sheriff's Office at sa pagiging propesyonal ng mga empleyado nito. Nakikipagtalakayan ang OLEO sa mga taong sinisilbihan ng Sheriff's Office upang magbigay ng edukasyon, magtatag ng awareness, at upang malaman ang mga alalahanin at mga priyoridad ng komunidad.

Sakop ng OLEO ang lahat ng mga lugar na sinisilbihan ng Sheriff's Office, kabilang ang mga serbisyo sa unincorporated areas ng King County, King County airport, King County Metro Transit, Sound Transit, at labing-tatlong contract jurisdictions:

Beaux Arts | Burien | Carnation | Covington | Kenmore | Maple Valley | Skykomish
Muckleshoot Indian Tribe | Newcastle | Sammamish | SeaTac | Shoreline | Woodinville

Karagdagang impormasyon tungkol sa trabaho ng OLEO



Pagrebyu ng Paggamit ng Pulis ng Puwersa

- Inoobserbahan ng OLEO ang pagproseso ng mga eksena ng insidente kapag ang paggamit ng pulis ng puwersa ay nauwi sa malubhang pinsala o sa kamatayan.
- Nirerebyu ng OLEO ang mga imbestigasyon ukol sa kritikal na insidente, at nagpupunta ito sa Use of Force Review Board meetings ng Sheriff's Office upang imonitor ang proseso, upang magtanong, at upang magdagdag ng perspektibo.
- Inirerekomenda ng OLEO ang mga patakarán at mga gawi upang suportahan ang quality incident investigations at ang mga rebyu sa paggamit ng puwersa.



Pagtiyak na may Mas Malaking Tiwala sa mga Imbestigasyon ukol sa Di-wastong Paggawi

- Minomonitor at nirerebyu ng OLEO kung paano hinahawakan ng Sheriff's Office ang mga reklamo at kung paano nito hinihikayat ang lubusan at obyektibong imbestigasyon.
- Nagpupunta ang OLEO sa mga interbyu ng Sheriff's Office sa mga complainant o nagrereklamo, at sa mga tauhang may kinalaman sa insidente, at nagtatanong ito kung kinakailangan.
- Bawat taon, inirereport ng OLEO kung ilang mga imbestigasyon na isinagawa ng Sheriff's Office ang hindi tumupad sa mga pamantayan nito para sa lubusan at obyektibong imbestigasyon.



Pagsama ng Community Input sa mga Patakarán ng Sheriff's Office

- Kinokonsulta ng OLEO ang komunidad upang malaman at masiyasat nito ang mga gawi ng Sheriff's Office, at upang makapagrekomenda ito kung paano ito mapapahusay.
- Ang OLEO ay nagbibigay sa Sheriff's Office ng mga rekomendasyon hinggil sa mga patakarán sa pamamagitan ng systemic reviews na nag-iiksamen sa mga partikular na gawi, at sa pamamagitan ng pagrebyu sa mga patakarán ng Sheriff's Office na kasalukuyang binabago (dito'y inuutusan ang Sheriff na bigyan ang OLEO ng pagkakatang magrebyu bago nito i-adopt o isagawa ang mga patakarán).



Paghikayat na Makuha ang Input at Pakikipagtalakayan ng Publiko

- Nakikipagtalakayan ang OLEO sa komunidad upang pagsikapan nitong matuto mula sa mga perspektibo ng publiko upang maimpluwensiyahan nito ang trabaho at mga priyoridad ng OLEO.
- Ang mga miyembro ng Community Advisory Committee for Law Enforcement Oversight ng OLEO ay nagsisilbi bilang mga liaison sa komunidad upang malaman kung paano nararanasan ang mga serbisyo ng Sheriff's Office, at kung paano nito naaapektohan ang publiko.
- Ibinabahagi ng OLEO ang mga update at impormasyon tungkol sa aming trabaho gamit ang aming website, community briefings, at e-newsletter na tinatawag na – **OLEO Insider**.



Tulong sa mga Resolusyon at mga Pagtutunggali

- Nakikipagtulungan ang OLEO sa Sheriff's Office upang makapag-alok ito ng Alternative Dispute Resolution (ADR) program kung saan ang isang nyutral na pangatlong partido ay mamumuno sa isang kusang-loob na pagtatalakay ng mga miyembro ng komunidad at ng mga empleyado ng Sheriff's Office tungkol sa mga reklamo, upang mapahusay ang pagkakaunawaan ng mga partido sa isa't-isa.

Kontakin ang OLEO para humingi ng tulong



(206) 263-8870



kingcounty.gov/OLEO



OLEO@kingcounty.gov



King County OLEO
710 Second Ave, Suite 790
Seattle, WA 98104